


聖廟祀典圖考

書

				漢書門
		五	一	
		四	六	
	六	九	九	二
冊	架	函	號	類

庫	文	閣	內
五	五		漢
函	一		
九	六		齊
架	冊	號	類

內閣文庫			
番號	漢	5162	
冊數	6 (5)		
函號	295	13	



聖廟祀典圖考卷五 長洲顧沅湘舟敬輯

淺草文庫

先賢周子
欽頤喙



周子敦頤字茂叔道州人本名敦實避宋英宗諱改焉諫議大夫輔成之子幼孤依舅氏龍圖閣學士鄭向景祐三年奏分寧主簿歷官虞部郎中知南康軍因家廬山蓮花峯下熙寧六年卒年五十七敦頤博學力行聞道甚早遇事剛果有古人風為政精密嚴恕務盡道理以名節自砥礪奉已甚約俸祿盡以周宗族賓友家或無百錢之儲李初平卒子幼護其喪歸葬之又往來經紀其家終始無懈及歸妻子餽粥或不給亦曠然不以為意

也雅有高趣尤樂山水遇適意處或徜徉終日廬山之麓有溪發源蓮花峯下潔清紺寒下合於湓江樂之因自號濂溪而築書堂其上豫章黃庭堅稱其人品甚高胸懷灑落如光風霽月所著太極圖明天理之根源究萬物之終始又著通書四十二篇發明太極之蘊序者謂其言約而道大文質而義精得孔孟之本源大有功于學者也程顥及弟頤往受業敦頤每令尋孔顏樂處顥嘗曰自再見茂叔後吟風弄月以歸有吾與點也之意二程之

學源流于此學者稱濂溪先生嘉定十三年謚曰元淳祐元年從祀封汝南伯元延祐三年封道國公明嘉靖九年改稱先儒周子崇禎十五年稱先賢周子

西廡第三十七位



程子 顥字伯淳河南洛陽人大中大夫珣之子
 十歲賦酌貪泉詩先達許其有志操十二三居庠
 序中如老成人登嘉祐二年進士第授鄆縣主簿
 累官至太子中允監察御史裏行改知扶溝縣哲
 宗立召為宗正未任而卒年五十四顥資性過人
 充養有道和粹之氣益于面背遇事優為雖當倉
 卒不動聲色十五六時聞周茂叔論學慨然有求
 道之志泛濫于諸家出入于老釋者幾十年返求
 諸六經而後得之明於庶物察于人倫知盡性至

命必本于孝弟窮神達化由通于禮樂辨異端似是之非開百代未明之惑自秦漢以來未有臻斯理者也教人自致知至于知止誠意至于平天下灑掃應對至于窮理盡性循循有序其卒也士大夫識與不識莫不哀傷焉文彥博題其墓曰明道先生其弟頤序之曰周公沒聖人之道不行孟軻死聖人之學不傳道不行百世無善治學不傳千載無真儒無善治士猶得以明夫善治之道無真儒則質質焉不知所之人欲肆而天理滅矣先生

生于千四百年之後得不傳之學于遺經以興起斯文爲已任辨異端闢邪說使聖人之道煥然復明于世蓋自孟子之後一人而已嘉定十三年謚曰純淳祐元年從祀封河南伯元至順元年封豫國公明嘉靖九年改稱先儒程子崇禎十五年稱先賢程子

西廡第三十六位



邵子 雍字堯夫其先范陽人父古徙衡漳又徙
共城雍年三十遊河南葬其親伊水上遂家焉雍
于書無所不讀始學于百源堅苦刻厲者數年已
而歎曰昔人尚友於古而吾猶未及四方于是踰
河汾涉淮漢周流齊魯宋鄭之墟久之幡然來歸
曰道在是矣遂不復出時富弼司馬光呂公著諸
賢退居洛中雅敬雍恒相過從爲市園宅雍名其
居曰安樂窩因自號安樂先生嘉祐熙寧間大臣
屢薦不起熙寧十年卒年七十六贈祕書省著作

郎雍高明英邁迥出千古清而不激和而不流人
 與交久益尊信之程顥初侍其父識雍論議終日
 退而歎曰堯夫內聖外王之學也雍智慮絕人遇
 事能前知程頤曰其心虛明自能知之葬伊川先
 塋顥為銘其墓稱雍之道純一不雜就其所至可
 謂安且成矣所著書曰皇極經世觀物內外篇漁
 樵問對詩曰擊壤集元祐元年謚康節咸淳三年
 從祀封新安伯明嘉靖九年改稱先儒邵子崇禎
 十五年稱先賢邵子

西廡第三十九位

先儒
 顥
 頤
 子
 奭
 像



穀梁子 赤一名淑字元始楊士勛疏名倣顏師
 古曰名喜山東兗州府人吳兢書目為秦孝公時
 人孔子以春秋之說授子夏子夏授穀梁穀梁作
 傳以授孫卿至漢宣帝時穀梁之學大盛于是有
 尹胡申章房氏之學唐貞觀二十一年從祀宋大
 中祥符二年封襲邱伯或作襲邱伯政和元年改封睢
 陵伯咸淳三年封睢陽侯明嘉靖九年改稱先儒
 穀梁子西廡第四十位



伏子 勝字子賤濟南人善治書秦焚書時伏生
 為博士獨壁藏之其後兵大起流亡及漢定歸求
 其書已亡數十篇獨得二十八篇即以教于齊魯
 之間文帝聞伏生欲召之時年九十餘老不能行
 乃命晁錯往受焉伏生作尚書傳四十一篇授同
 郡張生及千乘歐陽生生授同郡兒寬寬授歐陽
 生之子世世傳至曾孫高謂之歐陽學張生授夏
 侯都尉都尉授族子始昌始昌傳族子勝為大夏
 侯之學勝傳從子建別為小夏侯之學故書有歐

陽大小夏侯三家並立迄漢東京相傳不絕而歐陽最盛大率皆本于伏生所謂今文尚書也唐貞觀二十一年從祀宋大中祥符二年封乘氏伯明嘉靖九年改稱先儒伏子

西廡第四十一位

先儒后子
蒼像



后子 蒼字近君東海郟人從孟卿受禮在曲臺
校書因說禮數萬言號曰后氏曲臺記蒼授沛人
聞人通梁人戴德及德從兄子聖德又取劉向所
校二百十四篇刪其煩重合而記之爲八十五篇
謂之大戴記聖又刪大戴之書爲四十六篇謂之
小戴記漢末馬融傳小戴之學又足月令一篇明
堂位一篇樂記一篇合四十九篇而鄭康成爲之
註蒼前漢宣帝二年爲博士官至少府明嘉靖九
年攷古求禮以蒼爲禮之宗詔從祀稱先儒后子

聖廟正典圖考卷五
西廡第四
十二位

Table with 12 vertical columns and 10 rows, containing faint text or bleed-through from the reverse side.

先儒畫像
仲錫像

聖廟正典圖考

卷五

七五



董子 仲舒廣川人少治春秋孝景時為博士下
 帷講誦弟子傳書以次相授業或莫見其面三年
 不窺園武帝時以賢良對策為江都相復相膠西
 兩相驕王正身以率下數上疏諫爭教令國中所
 居而治及去位歸居以修學著書為事朝廷如有
 大議使使者就問之其對皆有明法仲舒對策推
 明孔氏抑黜百家立學校之官州郡舉茂才孝廉
 皆自仲舒發之年老壽終于家所著皆明經術之
 意及上疏條教凡百二十三篇而說春秋事得失

聞舉玉杯繁露清明竹林之屬復數十篇十餘萬
 言皆傳於世元至順元年從祀明洪武二十九年
 封江都伯成化二年改封廣川伯嘉靖九年改稱
 先儒董子西廡第四十三位

先儒
 孔子
 像



杜子 春或作子春緱氏人永平初年且九十家
 于南山通周官教授鄉里初秦始皇見周官書深
 惡之禁絕不傳漢武帝時有李氏得之上河間獻
 王闕冬官一篇購之不得遂取攷工記補成六篇
 上之秘府成帝時劉歆校秘書見之始著于畧王
 莽時置博士弟子惟子春在頗識其說而鄭眾賈
 逵又以經書轉相攷証逵因作周官解後馬融復
 作周官傳以授鄭康成康成又作周官注皆祖子
 春云唐貞觀二十一年從祀宋大中祥符二年封



范子 甯字武子南陽順陽人少篤學多所通覽
時以浮虛相扇儒雅日替甯以爲其源始于王弼
何晏二人之罪深于桀紂乃著論以廣其意爲豫
章太守在郡大設庠序遠近至者千餘人并取郡
四姓子弟皆充學生課讀五經時陳留范宣博綜
羣書尤善三禮隱於豫章以誦讀爲業譙國戴逵
等聞風至諷誦之聲有若齊魯甯在郡亦儒博通
綜立鄉學教授江州人士多化之由是當時稱二
范焉甯旣免官家於丹陽猶勤學終年不輟年六

十三卒於家著有春秋穀梁氏集解唐貞觀二十一年從祀宋大中祥符封新野伯明嘉靖九年張璪奏改祀于鄉

國朝雍正二年奉

旨復祀稱先儒范子

西廡第四十五位

[Faint bleed-through text from the reverse side of the page]

先儒韓子
像



韓子 愈字退之鄧州南陽人父仲卿爲武昌令
有美政終秘書郎愈少孤自知讀書日記數千言
比長盡通六經百家之學貞元八年舉進士第元
和十年爲考功郎中上言淮西可平狀力勸憲宗
執斷勿惑羣議遂爲行軍司馬佐裴度平淮西遷
刑部侍郎十四年以諫迎佛骨貶潮州刺史潮有
鱷魚之患爲文祝之鱷魚卽徙去長慶二年爲兵
部侍郎王廷奏作亂詔愈宣撫愈至賊庭大聲詰
責卽散廷奏兵轉吏部侍郎四年卒年五十七贈



范子 仲淹字希文蘇州吳縣人少居南都刻苦
讀書五年大通六經之旨爲文章論說必本于仁
義大中祥符八年登進士第仁宗時爲右司諫極
論時政歷數州所至有惠政康定元年以龍圖閣
學士知延州恩信大洽西賊不敢輒犯其境諫官
歐陽修等言仲淹有相材遂改叅知政事帝開天
章閣召二府條對仲淹上十事悉采用之宜著令
者皆以詔書畫一頒下卒年六十四謚文正封楚
國公帝親書其碑曰褒賢之碑仲淹少有大節于

富貴貧賤毀譽歡戚不一動其心而慨然有志于天下常自誦曰士當先天下之憂而憂後天下之樂而樂其事上遇人內剛外和性至孝好施予置義莊以贍族人雖里巷之人皆能道其名字國朝康熙五十四年奉

旨從祀稱先儒范子

西廡第四十七位

先儒胡子瑛像



胡子 瑗字翼之泰州海陵人少時與晉州孫復
兗州石介同讀書泰山十年不歸明道間以經術
教授吳中范仲淹薦於朝白衣召對除保寧節度
推官教授湖州瑗在湖學以經學時務爲教立經
義治事二齋令學者明聖人之體同以爲政教之
本皇祐五年召爲國子監直講既居太學其徒益
衆禮部所得士十常居四五嘉祐元年擢太子中
允天章閣侍講仍治太學既而以疾致仕四年卒
于杭州年六十七初謚安定後改文昭所著有資

聖集景祐樂議口義中庸解春秋口義言行錄明

嘉靖九年從祀稱先儒胡子西廡第四十八位

[Faint vertical text columns, likely bleed-through from the reverse side of the page]

先儒楊子
時像



楊子 時字中立南劍將樂人幼穎異八歲能爲
文稍長潛心經史登熙寧九年進士第調官不赴
師禮見程顥於潁昌顥卒又見程頤于洛村門積
學淳蓄涵浸人莫能測者幾十年歷知州縣不求
聞達而德望日重四方之士不遠千里從之遊號
曰龜山先生官至工部侍郎龍圖閣直學士紹興
元年致仕優游林泉以著書講學爲事五年卒年
八十三謚文靖時天資夷曠濟以學問充養有道
德器早成閒居和樂色笑可親臨事裁處聲色不

皇朝通志卷五
三
動推本孟子性善之說發明中庸大學之道有欲
知方者爲指其趣無所隱也居諫省時凡所論列
皆切于世道而其大者則闢王氏經學排靖康和
議使邪說不作蓋南閩理學實時爲之倡而朱熹
張栻之學其原委脈絡皆出于時焉著有三經義
辨行世明弘治九年從祀贈將樂伯嘉靖九年改
稱先儒楊子西廡第四十九位

先儒羅子
似彥像



羅子 從彥字仲素南劍沙縣人自幼穎悟不爲
言語文字之學及長堅苦刻厲篤意求道聞同郡
楊時得河南程氏學時爲蕭山令遂徒步往學焉
初見三日卽盡識舊學之非時亦喜盡以心傳之
秘語之旣而築室山中終日端坐間謁時將樂溪
上吟咏而歸充然自得焉晚就特科授博羅主簿
紹興中卒於官學者稱豫章先生淳祐間賜謚文
質從彥清介絕俗雖里人鮮克知之而同郡李侗
新安朱松執弟子之禮焉侗稱其性明而修行完

而潔擴之以廣大體之以仁恕精深微妙各極其
 至至于不言而飲人以和與人並立而使人化如
 春風發物蓋亦莫知其所以然也所著有遵堯錄
 春秋毛詩解中庸說論孟解議論要語台衡錄春
 子西廡第
五十位

先儒李氏
 同像



李子 侗字愿中南劍劍浦人少遊鄉校有聲年
二十四聞郡人羅從彥得河洛之學遂往從焉累
年受春秋中庸語孟之說從容潛玩久之盡得其
奧於是退居山田謝絕世故餘四十年飲食或不
充而怡然自適時新安朱松與侗爲同門友雅重
侗遣子熹從學熹卒得其傳卒年七十一學者稱
延平先生熹嘗稱侗姿稟勁特氣節豪邁而充養
完粹無復圭角色溫言厲神定氣和平日恂恂于
事若無甚可否及酬酢事變斷以義理截然不可

犯早歲聞道卽棄場屋若無意于當世然憂時論
 事感激動人其語治必以明天理正人心崇節義
 厲廉恥爲先本末備具可舉而行非特空言而已
 又謂自從侗學辭去復來則所聞益超絕其上達
 不已日新如此明萬歷四十七年從祀稱先儒李
 子西廡第五十一位

先

儒

張

子

精

像



張子 棫字敬夫劍南綿竹人魏國忠獻公浚子也生有異質穎悟夙成及長從胡宏學益自奮勵以古聖賢自期作希顏錄一篇蚤夜觀省用自警策以蔭補承務郎淳熙五年除秘閣修撰荆湖北路轉運副使七年詔以右文殿修撰提舉武夷山冲祐觀病且死猶手疏勸上親君子遠小人卒年四十八初棫自師宏後所造既深邃未敢自足又取友四方益求其所未至講玩體驗反覆不置者十餘年然後反而得乎簡易平實之地其所以篤

于君親一于道義而沒世不忘者蓋實有以見其
 不能自己初非勉慕而強為之朱熹嘗言己之學
 銖積寸累而後成如敬夫則大本卓然先有見者
 也所著有太極圖經世編年論語說學者稱南軒
 先生嘉泰八年賜謚宣景定二年從祀追封華陽
 伯明嘉靖九年改稱先儒張子

西廡第五十二位

先儒黃子
 論像



黃子 幹字直卿福建閩縣人父瑀高宗時御史
以篤行直道著聞瑀沒幹從朱熹受業初見熹夜
不設榻不解帶少倦則微坐一椅或至達曙熹語
人曰直卿志堅思苦與之處甚有益嘗詣東萊呂
祖謙以所聞于師者相質正及張栻亡熹望幹益
重遂以女妻之熹作竹林精舍成遺幹書有他時
便可稱直卿代卽講席之語及疾革以所著書授
幹曰吾道之托在此吾無憾矣幹歷知橫陽軍安
慶府皆有善政在位者忌其聲譽羣起擠之幹遂

歸里弟子日盛卒謚文肅世稱勉齋先生所著有
經解文集行世

國朝雍正二年奉

旨從祀稱先儒黃子

西廡第五十三位

麻... 入曰... 不... 以... 考...

先儒真子
德秀像



真子 德秀字景元後更景希建寧浦城人四歲
受書過自成誦登慶元五年進士第累官戶部尚
書入見以大學衍義進逾年拜參知政事三乞祠
祿乃進資政殿學士提舉萬壽觀卒贈銀青光祿
大夫謚文忠德秀長身廣額容貌如玉望之者無
不以公輔期之立朝不滿十年奏疏無慮數十萬
言皆切當世要務直聲震朝廷及宦遊所至惠政
深洽不愧其言由是中外交頌時相忌之輒擯不
用而聲愈彰自韓侂胄立偽學之名以錮善類凡

近世大儒之書皆顯禁以絕之德秀晚出獨慨然
 以斯文自任講習而服行之黨禁既開而正學遂
 明于天下後世多其力也學者稱西山先生所著
 有西山甲乙稟對越甲乙集經筵講義端平廟議
 翰林詞草四六獻忠集江東救荒錄清源雜志星
 沙集志而大學衍義尤盛行于世明正統元年從
 祀成化三年封浦城伯嘉靖九年改稱先儒真子
 西廡第五十四位

先儒何子
 甘肅像




何子 基字子恭婺州金華人自幼端重寡言笑
 師黃幹窮伊洛之源隱居求志不願人知景定咸
 淳間屢被薦授職均辭不就卒年八十一謚文定
 基淳固薦實絕類漢儒雖一本于熹然就其言發
 明而新意愈出不窮所著有大學中庸大傳易啟
 蒙通書近思錄文集等書

國朝雍正二年奉

旨從祀稱先儒何子

西廡第五十五位

闕



趙子 復字仁甫德安人元太宗乙未歲命太子
闕帥師伐宋俘得之會姚樞奉命搜訪人才見復
與語大悅與之北上世祖在潛邸嘗召見問曰我
欲取宋卿可導之乎對曰宋吾父母國也未有引
他人以伐吾父母者世祖悅因不強之仕楊惟中
建太極書院延復爲師復乃作傳道圖伊洛發揮
朱門師友圖希賢錄等書以授學者由是河朔始
知道學復家江漢之上以江漢自號學者稱江漢
先生




吳子澄字幼清撫州崇仁人生三歲授詩成誦
 五歲日受千餘言既長於經傳皆習通之知用力
 聖賢之學舉進士不第宋亡入元隱居布水谷著
 書自樂至元間侍御史程鉅夫奉詔求賢江南起
 澄至京以母老辭歸元貞初起應奉翰林文字累
 官翰林直學士卒年八十五贈江西行省左丞臨
 川郡公諡文正澄身若不勝衣每日正坐拱手氣
 融神邁荅問亶亶使人渙若冰釋弱冠時卽以斯
 文自任故出登朝署退歸于家與郡邑之所經由

聖廟祀典圖考 卷五
士大夫皆迎請執業而四方之士來學山中者常
不下千數百人少暇卽著書至將終猶不置也於
易書詩春秋三禮盡破傳註穿鑿以發其蘊條歸
紀敘精明簡潔卓然成一家言所著有易春秋禮
記尚書纂言學基學統私錄支言集易外翼孝經
章句又校正皇極經世書并大小戴記老子莊子
太元經樂律及八陣圖郭璞葬書行世初澄所居
草屋數間程鉅夫題曰草廬故學者稱草廬先生
明正統八年從祀嘉靖九年罷祀

國朝乾隆二年奉

旨復祀稱先儒吳子

西廡第五
十七位




金子履祥字吉父婺州蘭谿人幼而敏睿授書
 即能記誦比長益自策勵凡諸史百氏之書靡不
 畢究及壯知向濂洛之學事同郡王柏從登何基
 之門自是講貫益密造詣益邃德祐初起廸功郎
 史館編校辭弗就宋亡後隱居著書以淑後進嘗
 謂司馬文正資治通鑑祕書丞劉恕爲外紀以紀
 前事信百家之說不本於經是非謬于聖人不足
 以傳信乃用邵氏皇極經世歷胡氏皇王大紀之
 例損益折衷一以尚書爲主下及詩禮春秋旁採

舊史諸子表年繫事自唐堯以下接于通鑑之前
 勒為二十卷名曰通鑑前編凡所引書輒訓正其
 義多先儒所未發既成授門人許謙著大學章句
 疏義論孟集註攷証尚書表注仁山文集行世當
 時議者謂何基之清介純實似尹和靖王柏之高
 明剛正似謝上蔡履祥則親得之二氏而並充于
 已者也履祥居仁山之下學者稱為仁山先生元
 大德中卒至正中賜謚文安
 國朝雍正二年奉

旨從祀稱先儒金子

西廡第五十八位

闕



陳子 澔字可大都昌人父大猷宋開慶進士仕
至黃州軍判官著尚書集傳澔潛心經學尤精於
戴記宋亡隱居教授年八十二卒學者稱雲莊先
生又稱經歸先生元奎章閣學士虞集題其墓所
著有禮記集說明洪武間其書始列于學官正統
中遂以其說取士

國朝雍正二年奉

旨從祀稱先儒陳子

西廡第五十九位




陳子 獻章字公甫廣東新會人儀幹修偉右頰
有七黑子少孤事母至孝領正統十二年鄉薦再
上禮部不第從吳與弼講學歸讀書窮日夜不輟
築陽春臺靜坐其中數年無戶外迹成化五年復
上禮部不第遂歸隱白沙四方來學者日進十八
年廣東布政彭韶總督朱英交薦召至京師不就
試疏乞終養授翰林院檢討以歸自是屢薦卒不
起宏治十三年卒年七十三獻章之學以靜爲主
其教學者但令端坐澄心於靜中養出端倪或勸

之著述不答論者謂其灑然獨得有鳶飛魚躍之
樂世稱白沙先生萬歷初追謚文恭十二年從祀
稱先儒陳子西廡第
六十位

此處為多欄空白或極淡文字，內容不可辨。

先儒胡子
肩仁像




胡子 居仁字叔心江西餘干人聞吳與弼講學
崇仁往從之游絕意仕進其學以主忠信爲先以
求放心爲要以聖學成始成終在於敬因以敬名
其齋四方來學者甚衆皆告之曰學以爲己勿求
人知語治世則曰惟王道能使萬物得所築室梅
溪山中闢修自守布衣終其身人以爲薛瑄之後
粹然一出于正居仁一人而已成化二十二年卒
年五十一所著有居業錄萬歷十一年追謚文敬

從祀稱先儒胡子

西廡第六十一位

關



蔡子 清字介夫福建晉江人少走侯官從林玘
學易盡得其肯綮成化二十年成進士卽乞假歸
講學已謁選得禮部祠祭主事王恕長吏部重清
調稽勲主事恒訪以時事清上二札一請振紀綱
一薦劉大夏等三十餘人恕皆納用之復歷丁內
外艱家居授徒不出正德改元詔起江西提學副
使寧王宸濠驕恣清屢裁以禮王積不悅旋欲中
傷之清遂乞休劉瑾知天下議已用蔡京召楊時
故事起清南京國子祭酒命甫下而清已卒年五

十六清之學初主靜後主虛故以虛名齋平生飭躬砥行貧而樂施為族黨依賴以善易名所著有易經四書蒙引萬歷中贈禮部侍郎追謚文莊中國朝雍正二年奉


旨從祀稱先儒蔡子

西廡第六十二位


[Faded vertical text columns, likely bleed-through from the reverse side of the page]

先儒
坤像

闕



呂子 坤字叔簡河南寧陵人明萬曆二年進士
 為襄垣大同令政治嚴明培養士氣內擢部曹游
 陞僉都御史巡撫山西歷官刑部侍郎坤剛介峭
 直立朝無少畏避其憂危一疏凡數千言思深慮
 遠炳炳鑿鑿剴切詳明皆深中時弊家居尤喜獎
 掖後進講學嚴性命理欲之辨綜天道人事之宜
 所著呻吟語夜氣鈔省心紀道脉圖四禮翼去偽
 齋集實政錄諸書俱能闡明正學扶植綱常
 國朝道光六年奉



劉子 宗周字起東浙江山陰人少端穎稍長卽
 志聖賢之學萬歷二十九年成進士累官左都御
 史乙酉歲杭州失守宗周聞變慟哭絕食二十三
 日卒年六十八宗周剛方清介見義必爲屢遭貶
 斥終不改其操通籍四十餘年在朝前後不及數
 載奏疏無慮數十萬言莫非規切君身關係時政
 危言正論無所顧避卒爲權奸所忌輒擯不用家
 居惟以講學著書爲務從游者甚衆浙東自王守
 仁講學陽明書院一傳爲王畿再傳爲周汝登陶

望齡三傳為陶奭齡皆沿良知之說未免雜于禪
學奭齡尤變本加厲以因果為說去守仁益遠宗
周憂之乃築證人書院與同志講肄其中其為學
源本守仁而期于實踐論心以慎獨為宗而歸于
誠敬著有劉子全書百餘卷皆發明聖賢宗旨粹
然一出于正自號念臺學者稱念臺先生

國朝乾隆四十一年

賜謚忠介今

上道光二年奉

旨從祀稱先儒劉子

西廡第六十四位

